



UNIVERSITÄTS-  
BIBLIOTHEK  
PADERBORN

**COLLATIO-||NVM SACRARVM|| LIBRI VIII.|| Tilmanni  
Bredenbachij S. Th. D.||**

**Bredenbach, Tilmann**

**Coloniae Agrippinae, 1592**

**VD16 B 7378**

Cap. I. De Cirola Arianorum Episcopo, qui ægerrimè ferens, Catholicos  
Episcopos virtutibus & miraculis clarere.

---

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

COLLATIONVM  
SACRARVM LIBER  
SEPTIMVS.

DE VETERIBVS ET  
NEOTERICIS HAERETICIS.  
& quæ circa illos miranda  
contigerunt.

*Gregorius Episcopus Turonensis in historia Franco-  
rum lib. 2. cap. 3. De Cirila Arianorum Episcopo,  
qui agerrimè ferens Catholicos Episcopos virtuti-  
bus & miraculis clare, ipse hominem quendam  
preco induxit, ut cecitatem simularet, & tandem  
ex composito innocata ope & religione Cirile vi-  
sum reciperet, qui à Deo & oculorum dolore &  
cecitate percussus est & tandem beneficio Catho-  
licorum Episcoporum restitutus.*

CAP. PRIMVM.



Temporibus Arianorum sub  
Honorico Christianorum Ca-  
tholicorum persecutore, Ci-  
rola quidam Arianorum E-  
piscopus, hæreticorum tunc  
maximus habebatur assertor.

Cumque ad persequendum Christianos rex  
per diuersa transmitteret, sanctum Eugenium  
Episcopum, virum inenarrabili sanctitate, qui

Gg 6 tunc

B. VI.  
lia omnia  
s regionem  
ad eas quæ  
orias, inue-  
ertentatio-  
Deo allocu-  
liac nobis  
ionibus, ne  
eniunt, sed  
entes qua  
rouidem  
omnia in  
præfentem  
& futu-  
bis permi-  
omina no-  
re & sp-  
ium,

COL



710 COLLATION. SACRAR.  
tunc ferebatur magna prudentia esse, in sub-  
urbano ciuitatis suae reperit persecutor. Du-  
ctus itaque sanctus Eugenius ad regem cum  
illo Arianorum episcopo pro fide Catholica  
decertauit. Cumque eum de sanctae Trinitatis  
mysterio potentissime deuicisset, & inoper  
multas per eum virtutes Christus ostendisset,  
in maiorem insaniam idem Episcopus inu-  
dia inflammante succeditur. Erant enim tunc  
temporis cum sancto Eugenio viri prudentis-  
simi atque sanctissimi, Vindemnalis, & Le-  
ginus episcopi pares gradu, & virtute non im-  
pares. Nam sanctus Vindemnalis eo tempore  
ferebatur mortuum suscitasse. Longinus au-  
tem multis infirmis salutem tribuit. Eugenius  
quoque non solum visibilium oculorum ex-  
citatem, sed etiam mentium depellebat. Quod  
cernens ille nequam Arianorum Episcopus,  
vocatam ad se quendam hominem, ab illo quo  
ipse vivebat errore deceptum, ait: Non parum  
quod hi Episcopi multa in populo signa de-  
promunt, illosque cuncti me neglecto sequun-  
tur. Acquiesce nunc his quae praecipio, & ac-  
ceptis quinquaginta aureis, sede in platea per  
quam nobis est transitus, & manum super cla-  
uos oculos ponens, me praetereunte cum reli-  
quis exclama in magna virtute, dicēs: Te be-  
atissime Cirila, nostrae religionis antistes, de-  
precor, vt respiciens manifeste gloriam ac vir-  
tutem tuam, vt oculos meos apertiens, mereat  
lucem



lucem videre, quam perdidit. Qui iussa com-  
 piens, residensque in platea, transeunte hære-  
 tico, cum sanctis Dei, iste qui Deum irridere  
 cogitabat, exclamat in magna virtute dicens  
 Audi me beatissime Cirola: audi me sancte  
 sacerdos Dei, respice cœcitatē meam, expe-  
 nar ego medicamenta, quæ sæpe cœci reliqui  
 te meruerunt, quæ leprosi experti sunt, quæ  
 ipsi etiam mortui perfererunt. Adiuro te per  
 ipsam virtutem quam habes, ut mihi deside-  
 ratam restituas lucem, quia graui sum cœcita-  
 te percussus. Veritatem enim nesciens, verum  
 dicebat, quia cœcauerat eum cupiditas, & vir-  
 tutem DEI omnipotentis irridere per pecu-  
 niam aestimabat. Tunc hæreticorum Episco-  
 pus paululū se diuertit, quasi in virtute trium-  
 phaturus, elatus vanitate atque superbia, po-  
 suit manum suam super oculos dicens: Se-  
 cundum fidem nostram, qua rectè Deum cre-  
 dimus, aperiantur oculi tui. Et mox ut hoc  
 nefas erupit, risus mutatur in planctum, & do-  
 lus episcopi est patefactus in publico. Nam  
 tantus dolor oculos miseri illius inuasit, ut eos  
 digitis vix comprimeret, ne creparent. Deni-  
 que clamare cœpit miser, ac dicere: Væ mihi  
 misero, quia seductus sum ab inimico legis  
 diuine. Væ mihi, quia DEVM per pecu-  
 niam irridere volui, & quinquaginta aureos  
 accepi, ut hoc facinus perpetrarem. Ad episco-  
 pam autem aiebat: Ecce aurum tuum, redde  
 lucem



lumen meum, quod dolo tuo perdidisti. Vosque  
 rogo gloriosissimi Christiani, ne despiciam  
 miserum, sed velociter succurrite perenti. Ve-  
 rē enim cognoui, quia Deus non iridetur.  
 Tunc sancti Dei misericordia moti, si, inquit,  
 credis, omnia possibilia sunt credenti. At ille  
 clamabat voce magna: Qui non credideris,  
 Christum filium Dei & Spiritum sanctum æ-  
 qualem habere substantiam atque deitatem  
 cum Deo patre, hodie quæ ego perfero, pati-  
 tur. Et adiecit, credo Deum patrem omni-  
 potentem, credo filium Dei Christum æ-  
 qualem patri, credo Spiritum sanctum patri  
 & filio consubstantialem atque coæternum.  
 Hæc illi audientes, & se inuicem honore mu-  
 tuo præuenientes, oritur inter eos sancta con-  
 tentio, quis oculis eius signum beatæ crucis  
 imponeret. Vindemialis verò ac Longinus  
 Eugenium, ille autem econtrā eos exorat, ut  
 manus imponerent ei. Quod cum fecissent,  
 & manus suas super caput eius tenerent, san-  
 ctus Eugeniū crucem super oculos cæci faci-  
 ens, ait: In nomine patris & filij & Spiritus  
 sancti veri Dei, quem trinum in vna æquali-  
 tate atque omnipotentia confitemur, aperi-  
 antur oculi tui. Et statim ablato dolore ad pri-  
 stinam rediit sanitatem. Manifestissime au-  
 tem patuit per huius cœcitatē, qualiter he-  
 reticorum episcopus oculos cordium misero  
 assertionis suæ vclabat amictu, ne veram ha-  
 cca





rem illi liceret fidei oculis contemplari. O mi-  
 serum, qui non ingressus per ianuam, id est  
 per Christum, qui est ianua vera, lupus magis  
 prae quam custos effectus est, pacem fidei  
 suam credentium cordibus debuerat accēde-  
 re, prauidate cordis sui conabatur extinguere.  
 sancti verò Dei alia signa in populis multa fe-  
 cerunt, & erat vox vna populi dicentis, Verus  
 Deus pater, verus filius, verus Deus spiritus  
 sanctus, vna fide colendus, vno timore metuē-  
 dus, eodemque honore venerandus. Nam quae  
 Cirila adferit, falsa esse cunctis est manifestum.  
 Videns autem Honoricus rex effectiones suas  
 per sanctorum fidem gloriosam taliter denu-  
 danti, nec erigi sectam erroris, sed potius de-  
 strui, fraudemque pontificis sui in hoc scelere  
 fuisse detectam, sanctos Dei post multa tor-  
 menta, post equuleos, post flammam, post vngu-  
 las iussit interfici. Beatum autem Eugenium  
 decollari iussit, sub ea specie, vt si in ea hora  
 qua ensis super ceruicem eius incumberebat, nō  
 reuenteretur ad haeticorum sectam, occide-  
 retur, ne cum pro martyre excolerent Chri-  
 stiani, sed exilio damnaretur quod ita factum  
 esse manifestum est. Nam cum imminente  
 morte interrogatus fuisset, si mori pro fide  
 Catholica destinaret, respondit: Hæc enim est  
 sempiterna vita, pro iusticia mori. Tunc sus-  
 pensus gladio, apud Albigensem Galliarum  
 vrbem, exilio deputatus est, vbi & finem vitæ  
 præ-



præsentis fecit. Ad cuius nunc sepulchrum  
 multæ virtutes creberrimè ostenduntur. San-  
 ctum verò Vindemialem gladio percussus præ-  
 cepit, quod & impletum est in hoc certami-  
 ne. Octavianus verò Archidiaconus, & multa  
 millia virorum ac mulierum hanc fidem ad-  
 ferentium interempta atque debilitata sunt.  
 Sed præ amore gloria, nihil erant hæc supple-  
 tia confessoribus sanctis, qui in paucis vixit,  
 in multis bene se nouerant disponendas, iuxta  
 illud Apostoli: Quia non sunt condigne pœ-  
 siones huius temporis ad futurâ gloriam, quæ  
 reuelatur in sanctis. Multi tunc errantes ad hoc  
 accipientes diuitias, inferuerunt se doloribus  
 multis. Infelix autem quidam Episcopus no-  
 mine Reuocatus, eo tempore est reuocatus à  
 fide Catholica. Tunc & Sol teter apparuit, ita  
 vt vix ab eo pars vel tertia eluceret, credo natæ  
 que pro tantis sceleribus & effusione sangui-  
 nis innocētis. Honorius verò post tantum tes-  
 cinus, arreptus à dæmone, qui diu de sanctorū  
 sanguine pastus fuerat, propriis se moribus  
 laniabat, in quo etiam cruciatus, vitam indi-  
 gnam iusta morte finiuit.

*Gregorius Turonensis libr. de gloria Confessorum cap.  
 12. & 13. De quidam episcopo hæreticorum, qui ad-  
 ornata fraude hominē illuminare volēs, excruciat.*

## CAP. II.

**C**V M Leuildus Rex tanta miracula per-  
 seruos Dei, qui nostræ religionis erant,  
 fieri